

**INICIATIVA E RE DEMOKRATIKE E KOSOVËS  
IRDK**



**STATUTI**

# I. DISPOZITAT E PËRGJITHSHME DHE PARIMET THEMELORE

## NENI 1

### Partia politike, emërtimi dhe simbolet

- 1.1. Iniciativa e Re Demokratike e Kosovës është parti politike e egjiptianeve të Kosovës dhe qytetarëve tjerë të cilët pranojnë programin dhe statutin e saj. Qëllimet dhe parimet e IRDK-së janë përcaktuar në programin politik.
- 1.2. Iniciativa e Re Demokratike e Kosovës është parti e qendrës me orientim socialdemokrat. Veprimtaria e saj është e përqendruar në mirëqenien sociale, ekonomike, arsimore, kulturore të qytetarëve të Kosovës dhe në veçanti promovimin e identitetit etnik, vlerave kulturore e historike dhe avancimin e pozitës së egjiptianeve të Kosovës.
- 1.3. Emri i partisë është: **Iniciativa e Re Demokratike e Kosovës**, me shkurtesën : **IRDK**.
- 1.4. Selia e partisë është në Pejë .
- 1.5. IRDK vepron në territorin e Kosovës dhe në diasporë në pajtim me dispozitat të shteteve përkatëse.
- 1.6. IRDK ka simbolin prej tri piramidave ngjyrë ari të vendosura në hartën e Kosovës me ngjyrë të kaltër dhe e rrethuar me 12 yje me ngjyrë portokalli dhe shënimi IRDK, vulën në të cilën shkruan: Iniciativa e Re Demokratike e Kosovës dhe në mes të vulës është simboli i përshkruar më lartë. Vula e degës është e njëjtë me vulën e qendrës, por përmban edhe emrin e degës.

## NENI 2

### Dokumentet bazë

- 2.1. Statuti dhe programi i IRDK-së janë dokumentet bazë për funksionimin e partisë.
- 2.2. Statuti është akti më i lartë juridik i IRDK-së përmes të cilit përcaktohet organizimi i brendshëm i IRDK-së.

## II. ANËTARËSIMI NË IRDK, TË DREJTAT DHE OBLIGIMET E ANËTARËVE TË IRDK-së

### NENI 3

#### Anëtarësimi në IRDK

- 3.1. Anëtar i IRDK-së mund të bëhet çdo qytetar i Kosovës mbi moshën 16 vjeç, i cili pranon Programin dhe Statutin e IRDK-së.
- 3.2. Anëtarësimi bëhet individualisht, bazuar në deklarin e lirë përmes plotësimit dhe nënshkrimit të formularit për anëtarësim në IRDK.
- 3.3. Anëtarët e IRDK-së posedojnë librezën e IRDK-së dhe paguajnë anëtarësi për IRDK.

## NENI 4

### Të drejtat dhe detyrimet e anëtarit të IRDK-së

Anëtari i IRDK-së ka të drejtë dhe obligim:

- 1) të merr pjesë në përcaktimin dhe zbatimin e politikës partiake në format e parapara me këtë statut.
- 2) Të zgjedhë dhe të zgjidhet në organet e partisë.
- 3) Të zgjidhet në organet dhe format e organizimit të partisë.
- 4) Të kandidohët për zgjedhje në listat e partisë.
- 5) Të respektoj statutin, programin dhe vendimet e IRDK-së
- 6) Të veprojë aktivisht në IRDK, duke marrë pjesë dhe duke ndihmuar realizimin e programit zgjedhor dhe aktivitetet tjera të IRDK-së

## NENI 5

### Statusi i anëtarit dhe mënyra e përjashtimit

5.1. Anëtarësia në IRDK ndërpritet:

- a) me largim vullnetar
- b) me përjashtim për shkak të veprimeve në kundërshtim me Programin, Statutin, qëndrimet dhe vendimet e IRDK-së
- c) me anëtarësim në parti ose organizatë tjetër politike

5.2. Vendimin për përjashtimin e anëtarit të IRDK-së e merr Kryesia e degës gjegjësisht nëndegës.

5.3. Kundër vendimit për përjashtim mund të bëhet ankesë Komisionit Statutar brenda afatit prej 30 ditëve nga marrja e vendimit.

5.4. Ankesën për përjashtim nga IRDK e shqyrton Komisioni Statutar IRDK-së

5.5. Vendimin për përjashtim nga Kryesia e degës e merr Kuvendi i asaj dege me shumicë votash ndërsa përjashtimin nga Kryesia Qendrore e IRDK-së e merr Këshilli Drejtues i IRDK-së.

### III. ORGANIZIMI I IRDK-së

#### NENI 6

##### Njësitë themelore të organizimit të IRDK-së

6.1 Degët dhe nëndegët janë njësitë themelore të organizimit të IRDK-së.

#### NENI 7

##### Nëndega

7.1 Nëndega është njësia themelore e organizimit të IRDK-së

7.2 Nëndegët e IRDK-së formohen në nivel të lagjeve të qyteteve ose fshatrave

7.3 Të gjitha nëndegët e një komune e përbejnë degën e një komune

7.4 Organet udhëheqëse të nëndegës janë: Kuvendi dhe Kryesia e nëndegës

#### NENI 8

##### Kuvendi i Nëndegës

8.1 Kuvendi i Nëndegës mbledhet një herë në dy vjet dhe sipas nevojës thirren Kuvende të jashtëzakonshme.

8.2 Kuvendin e Nëndegës e përbejnë të gjithë anëtarët e IRDK-së nga territori i nëndegës.

8.3 Kompetenca e Kuvendit të nëndegës janë:

1. Zgjedh dhe shkarkon: Kryetarin, Nënkyetaret, Sekretarin organizativ dhe anëtarët e Kryesisë së nëndegës së IRDK-së.

2. Zgjedh delegatët për Kuvendin zgjedhor të degës

3. Miraton raportin e punës së Kryesisë së nëndegës dhe objektivat e punës së Kryesisë së nëndegës

8.4 Minimumi i numrit të delegatëve të nevojshëm për Kuvendin e nëndegës është më shumë se gjysma e anëtareve të IRDK-së nga territori i nëndegës.

8.5 Zgjedhja e strukturës udhëheqëse e nëndegës bëhet përmes votimit të listës së 5 deri 9 (pesë - nëntë) kandidateve. Fituesi i numrit më të madh të votave zgjedhet nënkryetar i nëndegës së IRDK-së, dhe pastaj në bazë të numrit më të madh të votave zgjedhet: sekretari organizativ dhe dy anëtarët e Kryesisë së nëndegës së IRDK-së.

8.6 Mënyra e kandidimit dhe e zgjedhjes së kryetarit të nëndegës përcaktohet nga Kryesia Qendrore e IRDK-së.

## NENI 9

### Kryesia e Nëndegës

9.1 Kryesia e nëndegës së IRDK-së është organ ekzekutiv dhe politik i nëndegës.

9.2 Kryesia e nëndegës së IRDK-së i ka 5 deri në 9 anëtarë.

9.3 Kryesia e nëndegës së IRDK-së:

1. Zbaton politiken e përcaktuar nga Kuvendi i nëndegës së IRDK-së dhe nga organet tjera udhëheqëse të IRDK-së
2. Është përgjegjëse për organizimin e nëndegës, për organizimin e fushatave zgjedhore dhe grumbullimin e fondeve të caktuara për IRDK-në

9.4 Kryetari i nëndegës së IRDK-së e udhëheq nëndegën në aktivitete të ndërgjegjshme: thërret dhe kryeson mbledhjet e Kryesisë dhe Kuvendit të nëndegës, dhe e ka votën vendimtare gjatë marrjes së vendimeve në rast të barazimit të votave

9.5 Nën kryetari i nëndegës e zëvendëson kryetari kur ai mungon dhe e ndihmon kryetarin në realizimin e detyrave të tij.

9.6 Sekretari organizativ i nëndegës së IRDK-së është përgjegjës për administrimin e nëndegës, për mbajtjen e procesverbaleve, shpërndarjen e materialeve të IRDK-së të anëtarëve dhe mbajtjen e kontakteve në mes të Kryesisë së nëndegës me anëtarët e IRDK-së

## NENI 10

### Dega

10.1 Dega formohet në territorin e një komune dhe duhet të ketë së paku 3 nëndegë.

10.2 Organet udhëheqëse të degës janë: Kuvendi, Këshilli Drejtues, Kryesia e degës dhe Këshilli për marrëdhënie me publikun.

## NENI 11

### Kuvendi i Degës

11.1 Kompetenca e Kuvendit të degës janë:

1. Zgjedh dhe shkarkon: Kryetarin, Nën kryetarët, Sekretarin organizativ dhe anëtarët e Kryesisë së degës së IRDK-së.
2. Zgjedh delegatët për Kuvendin Qendror të IRDK-së
3. Miraton raportin e punës së Kryesisë së degës dhe objektivat e punës së Kryesisë së degës

11.2 Mbledhjet e rregullta zgjedhore të Kuvendit të degës mbahen një herë në dy vjet dhe sipas nevojës thirren Kuvende të jashtëzakonshme.

11.3 Delegatët të Kuvendit të degës janë delegatët e zgjedhur nga nëndegët prej të cilëve derivon Këshilli Drejtues prej 21 anëtarëve, Kryesia prej 9 anëtarëve dhe Këshilli për marrëdhënie me publikun prej 5 anëtarëve.

11.4 Numrin e delegeve të degës e përcakton Kryesia e degës duke u bazuar në kriteret e caktuar paraprakisht nga Kryesia Qendrore e IRDK-së

- 11.5 Mbledhja e jashtëzakonshme e Kuvendit të degës e thërret Kryesia e degës me propozimin e 1/3 të anëtareve, në rast të shkeljeve të rënda të statutit dhe programit të IRDK-së nga ana e udhëheqësve të degës. Vendimi për mbajtjen e Kuvendit të jashtëzakonshëm merret me 2/3 e votave të anëtareve të Kryesisë së degës
- 11.6 Zgjedhja e strukturës udhëheqëse e degës bëhet përmes votimit të listës së 5 deri 14 kandidateve. Fituesi i numrit më të madh të votave zgjedhet nënkryetar i nëndegës së IRDK-së, dhe pastaj në bazë të numrit më të madh të votave zgjedhet sekretari organizativ dhe dy anëtarët e Kryesisë së nëndegës së IRDK-së.
- 11.7 Mënyra e kandidimit dhe e zgjedhjes së kryetarit të degës përcaktohet nga Kryesia Qendrore e IRDK-së.

## NENI 12

### Këshilli Drejtues i degës

- 12.1. Këshilli Drejtues i degë është organi më i lartë në periudhën ndërmjet dy Kuvendeve të degës dhe zgjidhet prej Kuvendit të degës.
- 12.2. Këshilli Drejtues i degë përbehet prej 21 anëtarëve, të gjithë delegatë të Kuvendit të degës, 9 prej tyre anëtarë të Kryesisë së degës.
- 12.3. Këshilli Drejtues i degës mbikëqyr mbarëvajtjen e punës së Kryesisë së degës dhe zbatimin e vendimeve të Kuvendit të degës.

## NENI 13

### Këshilli për marrëdhënie me publikun

- 13.1. Këshilli për marrëdhënie me publikun është organ i cili komunikon me anëtarësinë lidhur me politikat që duhet ndjekur organet ekzekutive të partisë për përfaqësimin e duhur të interesave të anëtarësisë.
- 13.2. Këshilli i rekomandon veprime Kryesisë së degës.
- 13.3. Këshilli komunikon publikisht me publikun në mënyrë të pavarur nga Kryesia e degës.

## NENI 14

### Kryesia e Degës

- 14.1. Kryesia e degës së IRDK-së është organ ekzekutiv dhe politik i degës
- 14.2. Kryesia e së IRDK-së ka 9 anëtarë: Kryetarin, dy nënkryetar, Sekretarin Organizativ dhe anëtarët tjerë të Kryesisë. Kryetaret e nëndegëve të cilët nuk janë zgjedhur në Kryesinë e degës së IRDK-së janë pjesë e Kryesisë së degës por pa të drejtë vote (ex officio)
- 14.3. Kryesia e degës së IRDK-së:

1. Zbaton politiken e përcaktuar nga Kuvendi i degës së IRDK-së dhe nga organet tjera udhëheqëse të IRDK-së
2. Është përgjegjëse për organizimin e degës, për organizimin e fushatave zgjedhore në kuadër të komunës.
3. Me shumicë të thjeshtë votash miraton listën e kandidateve për: delegatë në Kuvendin Komunal, anëtarë të qeverisë komunale dhe anëtarë të komisioneve të Kuvendit Komunal
4. Zgjedh Përgjegjësin Financiar të degës i cili duhet të jetë nga radhët e anëtareve të Kryesisë së degës
5. Formon Grupe punuese për detyra konkrete të lidhura me çështjen organizative të IRDK-së
6. Miraton Rregulloren e punës së degës, në të cilën përcaktohen detyrat dhe përgjegjësitë e secilit anëtar të Kryesisë, të cilat nuk janë të përshkruara në statut.

## NENI 15

### Kryetari i degës

Përgjegjësitë e Kryetarit të degës janë:

- 15.1. e udhëheqë degën
- 15.2. i thërret dhe i udhëheqë mbledhjet e Kryesisë së degës
- 15.3. i thërret dhe i udhëheqë mbledhjet e Kuvendit të degës
- 15.4. është përgjegjës për funksionimin e degës
- 15.5. është përgjegjës për zbatimin e statutit dhe programit të IRDK-së
- 15.6. propozon marrjen e vendimeve për funksionim të efektshëm të degës

## NENI 16

### Nënkryetaret e degës

Në mungesë të kryetarit të degës funksionin e tij e ushtron nënkryetari i parë i degës. Në mungesë të kryetarit dhe nënkryetarit të parë funksionin e kryetarit e ushtron nënkryetari i dytë

## NENI 17

### Sekretari organizativ i degës

Sekretari organizativ i degës është përgjegjës për:

- 17.1. Organizimin e punëve për funksionimin e degës
- 17.2. I raporton Kryesisë së degës për aktivitetet e përgjithshme në funksionimin e degës
- 17.3. Organizon punën në mes të Kryesisë së degës dhe kryesive të nëndegëve
- 17.4. I raporton Kryesisë së degës për aktivitetin e përgjithshëm të nëndegëve

## NENI 18

### Degët e IRDK-së në diasporë

- 18.1. Në pajtim me këtë statut dhe me ligjet në fuqi të shteteve përkatëse, IRDK organizon degë në diasporë.
- 18.2. Dega në diasporë formohet në territorin e një rajoni të caktuar gjeografik (qytet, kanton, land, shtet). Për territorin e veprimit të degës vendos bashkësia e degëve të IRDK-së në diasporë dhe Kryesia e IRDK-së. Degët në diasporë mbajnë lidhje hierarkike me Kryesinë e IRDK-së.
- 18.3. Në Kuvendin e degës marrin pjesë të gjithë anëtarët e IRDK-së nga rajoni i përkufizuar i degës dhe minimumi i numrit të delegatëve për Kuvendin zgjedhor të degës duhet të jetë më shumë se gjysma e anëtareve të IRDK-së nga territori i përcaktuar i degës.
- 18.4. Të gjitha degët të cilat veprojnë në një shtet përbejnë bashkësinë e degëve të IRDK-së në atë shtet.
- 18.5 Kryetaret e degëve dhe 5 aktivistet e dalluar përbejnë Kryesinë e Bashkësisë së degëve.

## NENI 19

### Kuvendi Përgjithshëm i IRDK-së

- 19.1. Kuvendi i përgjithshëm i IRDK-së është organi më i lartë vendimmarrës
- 19.2. Kuvendi i Përgjithshëm i IRDK-së ka këto përgjegjësi:
  1. Analizon punën e IRDK-së për periudhë në mes të dy kuvendeve dhe nxjerrë vendime, rekomandime, deklarata, rezoluta dhe përcakton orientimet kryesore.
  2. Miraton, ndryshon dhe plotëson statutin dhe programin e IRDK-së
  3. Shqyrton dhe vlerëson punën e Kryesisë së IRDK-së dhe Këshillit Drejtues të IRDK-së.
  4. Zgjedhë dhe shkarkon Kryetarin e IRDK-së dhe anëtarët e Këshillit Drejtues të



IRDK-së.

5. Shqyrton dhe miraton raportin financiar të IRDK-së.

19.3. Kuvendi zgjedhor, me votim të hapur e voton përbërjen e Këshillit Drejtues të IRDK-së.

## NENI 20

### Organizimi dhe funksionimi i Kuvendit të Përgjithshëm

20.1. Kuvendi zgjedhor i IRDK-së mbahet një herë në katër vjet.

20.2. Kuvendi i rregullt i IRDK-së thirret nga Kryetari i IRDK-së.

20.3. Rendin e ditës për Kuvendin zgjedhor dhe të jashtëzakonshëm e përcakton Këshilli Drejtues i IRDK-së.

20.4. Kuvendin e hap Kryetari i IRDK-së.

20.5. Kuvendin e udhëheqë Kryesia e punës së Kuvendit e cila zgjedhet nga Kuvendi dhe ka mandat vetëm aq sa zgjasin punimet e Kuvendit.

20.6. Kuvendin e Përgjithshëm e përbëjnë të gjithë delegatët e zgjedhur në Kuvendet e degëve.

20.7. Numri i delegateve për Kuvendin e Përgjithshëm është 71

20.8. Kryesia e IRDK-së e përcakton numrin e delegateve nga secila degë e IRDK-së duke u bazuar në rezultatin e zgjedhjeve të fundit parlamentare ose komunale.

20.9. Secila degë e cila vepron në diasporë e delegon nga 1 delegatë në Kuvendin e Përgjithshëm.

## NENI 21

### Sekretari i Kuvendit të Përgjithshëm

21.1. Sekretarin e Kuvendit të Përgjithshëm e zgjedh Kryesia e IRDK-së.

21.2. Sekretarin e Kuvendit të Përgjithshëm është përgjegjës për mbarëvajtjen e punëve procedurale dhe teknike të Kuvendit.

21.3. Sekretarin e Kuvendit të Përgjithshëm është përgjegjës për arkivimin e dokumentacionit dhe procesverbaleve të mbajtura gjatë punës së Kuvendit.

21.4. Sekretarin e Kuvendit të Përgjithshëm e mbikëqyr punën e sekretarisë së Kuvendit puna e së cilës përfundon me përfundimin e punimeve të Kuvendit.

## NENI 22

### Kuvendi i Jashtëzakonshëm

22.1. Kuvendi i Jashtëzakonshëm i IRDK-së thirret:

1. Në rast të shkeljeve të rënda statusore ose programore nga ana e udhëheqësve të IRDK-së.
2. Në rast të shpalljeve të zgjedhjeve të jashtëzakonshme.

22.2. Kuvendin e Jashtëzakonshëm mund ta thërras Këshilli Drejtues:

- me kërkesën e 2/3 të anëtareve të vet;
- me kërkesë e 1/3 të delegatëve të Kuvendit të IRDK-së;
- me kërkesën e Kryesisë së IRDK-së;
- me kërkesën e shumicës së degëve të IRDK-së;

## NENI 23

### Këshilli Drejtues i IRDK-së

23.1. Këshilli Drejtues i IRDK-së është organi më i lartë në periudhën ndërmjet dy Kuvendeve.

23.2. Këshilli Drejtues i IRDK-së është organi politik-mbikëqyrës i IRDK-së.

23.3. Këshilli Drejtues i IRDK-së përbëhet nga 21 anëtarë nga të gjitha degët e IRDK-së.

## NENI 24

### Organizimi dhe Kompetencat e Këshillit Drejtues të IRDK-së

24.1. Këshilli Drejtues i IRDK-së thirret dhe udhëhiqet nga Kryesuesi i Këshillit Drejtues të IRDK-së

24.2. Këshilli Drejtues i IRDK-së mund të thirret edhe nga Kryetari i IRDK-së ose me kërkesën e 1/3 të anëtareve të bërë paraprakisht te Kryetari i IRDK-së.

24.3. Këshilli Drejtues i IRDK-së mblidhet dy herë në vit ose sipas nevojës.

24.4. Këshilli Drejtues i IRDK-së e miraton rregulloren e punës së vet.

24.5. Këshilli Drejtues i IRDK-së nxjerrë vendime me shumicën e thjeshtë të votave nga anëtarët e pranishëm, ndërsa për vendime të rëndësishme (24.6 pika 3, 4) nevojiten

2/3 e votave të anëtareve të pranishëm.

24.6. Kompetencat e Këshillit Drejtues janë:

1. Me shumicë votash emëron dhe shkarkon Kryesuesin e Këshillit Drejtues, anëtarët e Kryesisë, nënkryetaret dhe Sekretarin e Përgjithshëm së IRDK-së.
2. Përkujdesja për realizimin e detyrave të përcaktuara në Kuvendin e Përgjithshëm të IRDK-së.

3. Shqyrtimin dhe miratimin e listave të kandidateve për deputet në Kuvendin e Kosovës.
4. Shqyrtimin dhe miratimin e kandidaturave për postet e larta qeveritare.
5. Shqyrtimin dhe miratimin e buxhetit vjetor të IRDK-së
6. Shqyrtimin dhe miratimin e raportit financiar vjetor të IRDK-së
7. Formon Komisione dhe Grupe pune në Funkcion të realizimit të detyrave të dhëna nga Kuvendi i Përgjithshëm i IRDK-së
8. Përcakton shumën që anëtari i IRDK-së duhet të paguaj për anëtarësi.

## NENI 25

### Këshilli Koordinues i IRDK-së

- 25.1. Këshilli Koordinues i IRDK-së është organ i cili rekomandon veprime për Kryesinë e IRDK-së të cilat kanë të bëjnë me përfaqësimin e interesave të anëtarësisë së IRDK-së dhe realizimin e obligimeve statutare dhe programore të Kryesisë së IRDK-së.
- 25.2. Këshilli Koordinues përbehet prej 7 anëtarëve të cilët janë personalitete nga radhët e komunitetit Egjiptian të Kosovës.
- 25.3. Njeri prej anëtarëve të Këshillit Koordinues është edhe Kryetari i IRDK-së.

## NENI 26

### Organizimi dhe kompetencat e Këshillit koordinues të IRDK-së

- 26.1. Këshilli koordinues i IRDK-së thirret dhe udhëhiqet nga kryetari i Këshillit
- 26.2. Këshilli koordinues i IRDK-së mund të thirret edhe nga 1/3 e anëtarëve të Këshillit
- 26.3. Mbledhja e parë konstituive e Këshillit thirret nga Kryetari i IRDK-së apo nga 1/3 e anëtarëve të Këshillit.
- 26.4. Kompetencat e Këshillit koordinues janë:
  1. Me shumicë votash zgjedh dhe shkarkon kryetarin dhe nënkryetarin e Këshillit
  2. Me shumicë votash miraton rekomandime për Kryesinë e IRDK-së
  3. Publikon dokumente strategjike dhe komunikata për publikun dhe mjetet e informimit

## NENI 27

### Kryesia e IRDK-së

- 27.1. Kryesia e IRDK-së është organ ekzekutiv-politik i qëndrimeve dhe vendimeve të aprovuara nga Kuvendi dhe Këshilli Drejtues i IRDK-së
- 27.2. Kryesia e IRDK-së përbehet prej 15 anëtareve: Kryetari, 3 Nënkryetarët, Sekretari i
- 27.3. Përgjithshëm, Kryetarët e degëve, Kryetari/ja i/e Forumit Rinor të IRDK-së nëse funksionon, Kryetarja e Forumit të Gruas nëse funksionon dhe anëtarët tjerë numri i të cilëve ndryshon në varësi të numrit të degëve.
- 27.4. Kryesia e IRDK-së miraton rregulloren e punës së vet në të cilën përshkruhen detyrat e secilit anëtar të Kryesisë, të cilat nuk janë përshkruar në këtë statut.
- 27.5. Kryesia e IRDK-së formon komisione dhe grupe punuese të cilat kanë për qëllim planifikimin strategjik, financiar dhe çështje tjera që ndërlidhen me përmbushjen e detyrimeve programore dhe statusore dhe funksionimin efikas të IRDK-së.
- 27.6. Kryesia e IRDK-së harton buxhetin vjetor dhe më se largu në fillim të muajit dhjetor të çdo viti kalendarik i dorëzon draft buxhetin Këshillit Drejtues të IRDK-së për miratim.
- 27.7. Kryesia e IRDK-së është përgjegjëse për zbatimin programit dhe statutit të IRDK-së.

## NENI 28

### Kryetari i IRDK-së

- 28.1. Kryetari IRDK-së është përgjegjës për:
  1. Udhëheqjen e IRDK-së
  2. Zbatimin e programit dhe statutit të IRDK-së
  3. Përfaqësimin e IRDK-së
  4. Thirrjen e Kuvendit të rregullt të IRDK-së
  5. Caktimin e delegacioneve në takimet zyrtare
  6. Thirrjen dhe kryesimin e mbledhjeve të Kryesisë dhe Këshillit Drejtues të IRDK-së
- 28.2. I propozon Kryesisë së IRDK-së Përgjegjësin për Financa
- 28.3. Në rast të mungesës së tij, pamundësisë fizike ose vdekjes, kryetarin e zëvendëson, deri në Kuvendin e radhës, nënkryetari i parë i IRDK-së.
- 28.4. Në rast të zgjedhjes në funksionin e deputetit të Parlamentit të Kosovës apo zëvendës ministër në Qeverinë e Kosovës, zgjedh në mes të funksionit të kryetarit të partisë dhe pozitave të shënuara më lartë.

## NENI 29

### Zgjedhja e kryetarit të IRDK-së

- 29.1. Votimi për kryetar behët me votim të fshehtë nëse Kuvendi nuk vendos ndryshe
- 29.2. Propozimet e kandidaturave për kryetar behët nga delegatët e Kuvendit
- 29.3. Në bazë të propozimeve të delegatëve formohet fletëvotimi për zgjedhjen e kryetarit dhe radhitja e emrave të kandidatëve bëhet në bazë të alfabetit.
- 29.4. Në rast të propozimit të më shumë se dy kandidatëve, dy kandidatët të cilët kanë më shumë vota do të votohen në raundin e dytë
- 29.5. Në raundin e dytë për kryetar zgjedhet kandidati i cili ka më shumë vota
- 29.6. Nëse në raundin e parë njëri nga kandidatët pas votimit ka marrë më shumë se 50% të votave të të gjithë delegeve të Kuvendit, atëherë ky kandidat zgjidhet kryetar.
- 29.7. Në rast të propozimit të vetëm një kandidati për kryetar, Kuvendi mund të vendos që votimi për zgjedhje të kryetarit të behët me votim të hapur. Në këtë rast kryetari zgjidhet me shumicën e delegatëve të Kuvendit.

## NENI 30

### Nënkryetaret e IRDK-së

IRDK i ka tre nënkryetarë, të cilët e ndihmojnë kryetarin në realizimin e detyrave të tij. Në mungesë të nënkryetarit të parë, detyrën e tij e ushtron nënkryetari i dytë dhe në mungesë të nënkryetarit të dytë, detyrën e tij e ushtron nënkryetari i tretë i IRDK-së.

## NENI 31

### Sekretari i përgjithshëm i IRDK-së

- 31.1. Mbikëqyrë zbatimin e vendimeve dhe politikave të Kryesisë së IRDK-së
- 31.2. Raporton para Kryesisë dhe Këshillit Drejtues të IRDK-së për aktivitetet e përgjithshme të IRDK-së
- 31.3. Është përgjegjës për administratën e selisë qendrore të IRDK-së
- 31.4. Harton propozimet për organizimin dhe përparimin e IRDK-së

## NENI 32

### Përgjegjësi i Financave

- 32.1. Përgjegjësi i Financave zgjedhet nga Kryesia me propozim të Kryetarit të IRDK-së
- 32.2. Propozon Kryesisë rregullore të cilat kanë të bëjnë me menaxhimin e financave dhe buxhetit të IRDK-së
- 32.3. Propozon Kryesisë buxhetin vjetor të IRDK-së
- 32.4. Është përgjegjës për menaxhimin e buxhetit të IRDK-së
- 32.5. Përfaqëson punët financiare të IRDK-së në rastet e kontrollit qeveritar
- 32.6. Raporton para Kryesisë në mënyrë periodike lidhur me gjendjen financiare të IRDK-së

## NENI 33

### Zëdhënësi i IRDK-së

- 33.1. Emërohet nga Kryesia e IRDK-së
- 33.2. Informon opinionin publik lidhur me aktivitetin politik të IRDK-së
- 33.3. Përgatit dhe thërret konferenca për shtypin
- 33.4. Pa të drejtë vote merr pjesë në mbledhjet e Kryesisë, Këshillit Drejtues dhe organet tjera udhëheqëse të IRDK-së

## NENI 34

### Komisioni statutar i IRDK-së

- 34.1. Komisioni statutar i IRDK-së prej 5 anëtareve zgjedhet nga Kuvendi i IRDK-së
- 34.2. Është përgjegjës për hartimin, interpretimin dhe mbrojtjen e statutit të IRDK-së gjatë realizimit në praktikë
- 34.3. Shqyrton ankesat dhe kërkesat e anëtareve dhe organeve të IRDK-së të cilat janë të ndërlidhura me rregullat e përcaktuara me statutin e IRDK-së
- 34.4. Vendimet e Komisionit statutar i vërteton dhe zbaton Këshilli Drejtues i IRDK-së

## NENI 35

### Forumi i Gruas së IRDK-së (FGIRDK)

- 35.1. Të gjitha gratë në IRDK mund të jenë të organizuara edhe në FGIRDK
- 35.2. FGIRDK ka strukturën e pavarur organizative
- 35.3. Anëtarët e FGIRDK kujdesen për zbatimin e politikave të përcaktuara nga Kuvendi, Këshilli Drejtues dhe Kryesia e IRDK-së

- 35.4. FGIRDK-së i zgjedh të gjitha organet e saj në Kuvendin e Përgjithshëm të FGIRDK-së
- 35.5. Kuvendi zgjedhor i FGIRDK-së mbahet një herë në dy vjet, ndërsa Kuvendi i jashtëzakonshëm sipas nevojës
- 35.6. Organ udhëheqës i FGIRDK-së është Kryesia e FGIRDK-së të cilën e udhëheq kryetarja, dy nënkryetare, sekretarja dhe 3 anëtarët e Kryesisë
- 35.7. Kryetarja dhe nënkryetarja e parë e FGIRDK-së janë anëtare të Këshillit Drejtues të IRDK-së, ndërsa kryetarja është anëtare e Kryesisë së IRDK-së.

## NENI 36

### Forumi Rinor i IRDK-së (FRIRDK)

- 36.1. Të gjithë të rinjtë në IRDK mund të jenë të organizuara edhe në FRIRDK
- 36.2. Anëtarë të FRIRDK-së janë personat e moshës deri në 30 vjeç
- 36.3. FRIRDK ka strukturën e pavarur organizative
- 36.4. Anëtarët e FRIRDK kujdesen për zbatimin e politikave të përcaktuara nga Kuvendi, Këshilli Drejtues dhe Kryesia e IRDK-së
- 36.5. FRIRDK-së i zgjedh të gjitha organet e saj në Kuvendin e Përgjithshëm të FRIRDK-së
- 36.6. Kuvendi zgjedhor i FRIRDK-së mbahet një herë në dy vjet, ndërsa Kuvendi i jashtëzakonshëm sipas nevojës
- 36.7. Organ udhëheqës i FRIRDK-së është Kryesia e FRIRDK-së të cilën e udhëheq kryetari/ja, dy nënkryetaret, sekretari/ja dhe 3 anëtarët e Kryesisë
- 36.8. Kryetari/ja dhe nënkryetari/ja i/e parë e FRIRDK-së janë anëtare të Këshillit Drejtues të IRDK-së, ndërsa kryetari/ja është anëtar i Kryesisë së IRDK-së.